

GWEINIDOGION Y DU SY'N GWEITHREDU MEWN MEYSYDD DATGANOLEDIG

191 – Rheoliadau Cyd-drefniadaeth ar gyfer y Marchnadoedd mewn Cynhyrchion Amaethyddol (Diwygiadau Amrywiol) (Ymadael â'r UE) 2020

Dyddiad gosod yn Senedd y DU: 19 Hydref 2020

Sifftio

A fydd angen eu sifftio yn Senedd y DU?	Na fydd
Gweithdrefn:	Cadarnhaol drafft
Dyddiad trafod gan Bwyllgor Offerynnau Statudol Ewropeaidd Tŷ'r Cyffredin	Amh
Dyddiad trafod gan Bwyllgor Craffu ar Is-ddeddfwriaeth Tŷ'r Arglwyddi	Amh
Dyddiad y daw'r cyfnod sifftio i ben yn Senedd y DU	Amh
Datganiad ysgrifenedig o dan Reol Sefydlog 30C:	Papur 22
Memorandwm Cydsyniad Offeryn Statudol (SICM) o dan Reol Sefydlog 30A (oherwydd eu bod yn diwygio deddfwriaeth sylfaenol)	Dim angen
Gweithdrefn graffu	
Canlyniad y broses sifftio	Amh
Gweithdrefn	Cadarnhaol drafft
Dyddiad trafod gan y Cydbwyllgor ar Offerynnau Statudol	4 Tachwedd 2020
Dyddiad trafod gan Bwyllgor Offerynnau Statudol Tŷ'r Cyffredin	Anhysbys
Dyddiad trafod gan Bwyllgor Craffu ar Is-ddeddfwriaeth Tŷ'r Arglwyddi	3 Tachwedd 2020

Cefndir

Bwriedir i'r Rheoliadau hyn gael eu gwneud gan Lywodraeth y DU yn unol ag adrannau 8, 8B ac 8C o Ddeddf yr Undeb Ewropeaidd (Ymadael) 2018, a pharagraff 21 o Atodlen 7 iddi.

Crynodeb

Mae'r Rheoliadau hyn yn diwygio deddfwriaeth yr Undeb Ewropeaidd ("UE") a ddargedwir yn ymwneud â Chyd-drefniadaeth Marchnadoedd Amaethyddol ("CMO"), deddfwriaeth eilaidd ddomestig sy'n gweithredu deddfwriaeth yr UE mewn perthynas â'r Prif Swyddog Meddygol, ac is-ddeddfwriaeth ddomestig bresennol sydd, ynddi ei hun, yn diwygio deddfwriaeth CMO yr UE a ddargedwir, i'w galluogi i weithio'n effeithiol yn dilyn diwedd y cyfnod pontio.

Mae'r Rheoliadau hyn yn diwygio'r deddfwriaeth a ganlyn sy'n gymwys i Gymru:

Deddfwriaeth yr UE a ddargedwir

- Rheoliad y Comisiwn (EC) Rhif 1235/2008 sy'n gosod rheolau manwl ar gyfer gweithredu Rheoliad y Cyngor (CE) Rhif 834/2007 o ran trefnu mewnforio cynnyrch organig o drydydd gwledydd
- Rheoliad y Comisiwn (CE) Rhif 1295/2008 dyddiedig 18 Rhagfyr 2008 ar fewnforio hopys o drydydd gwledydd
- Rheoliad Dirprwyedig y Comisiwn (CE) Rhif 2016/1237 sy'n ategu Rheoliad (UE) Rhif 1308/2013 Senedd Ewrop a'r Cyngor o ran y rheolau ar gyfer cymhwyso system y trwyddedau mewnforio ac allforio ac sy'n ategu Rheoliad (UE) Rhif 1306/2013 Senedd Ewrop a'r Cyngor o ran y rheolau ar ollwng a fforffedu gwarantau a roddir ar gyfer trwyddedau o'r fath.

Is-ddeddfwriaeth ddomestig

- Rheoliadau Cynhyrchu Organig (Rheoli Mewnforien) (Diwygio) (Ymadael â'r UE) 2019
- Rheoliadau Cyd-drefniadaeth ar gyfer y Marchnadoedd mewn Cynhyrchion Amaethyddol a'r Polisi Amaethyddol Cyffredin (Diwygiadau Amrywiol) (Ymadael â'r UE) 2019
- Rheoliadau Amaethyddiaeth (Diwygiadau Amrywiol) (Ymadael â'r UE) 2019
- Rheoliadau Cyd-drefniadaeth ar gyfer y Marchnadoedd mewn Cynhyrchion Amaethyddol (Trefniadau Trosiannol etc.) (Diwygio) (Ymadael â'r UE) 2019
- Rheoliadau Trwyddedau Mewnforio ac Allforio (Diwygio etc.) (Ymadael â'r UE) 2019

Bydd y diwygiadau'n cywiro deddfwriaeth yr UE a ddargedwir yn unol â Deddf yr Undeb Ewropeaidd (Ymadael) 2018 (fel y'i diwygiwyd gan Ddeddf yr Undeb Ewropeaidd (Cytundeb Ymadael) 2020), er mwyn sicrhau bod Protocol Gogledd Iwerddon yn cael ei weithredu ac i gael gwared ar amwysedd, anghysondebau a chamgymeriadau argraffyddol fel bod yr offerynnau'n gallu gweithredu yn ôl y bwriad yn dilyn y cyfnod pontio.

Datganiad gan Lywodraeth Cymru

Mae'r Cynghorwyr Cyfreithiol wedi gwneud y sylwadau a ganlyn mewn perthynas â datganiad Llywodraeth Cymru, dyddiedig 21 Hydref 2020, am effaith y Rheoliadau hyn:

1. Mae gan Lywodraeth Cymru a Llywodraeth y DU ddwy farn gyferbyniol ynghylch a yw'r Rheoliadau hyn yn cynnwys darpariaethau sydd o fewn cwmpas cymhwysedd deddfwriaethol y Senedd. Gan nad yw Llywodraeth y DU o'r farn bod y mater yn un a gedwir yn ôl, nid yw wedi ceisio cydsyniad Llywodraeth Cymru. Safbwynt Llywodraeth Cymru yw bod amaethyddiaeth a'r Polisi Amaethyddol Cyffredin yn faterion datganoledig ac nad ydynt yn faterion a ddargedwir o dan unrhyw bennod yn Atodlen 7A i Ddeddf Llywodraeth Cymru 2006.

Nodir bod y Memorandwm Esboniadol drafft yn nodi "*Defra has worked collaboratively with the Devolved Administrations to create these instruments and*

has fully involved the Devolved Administrations in discussion on the measures in these instruments, in relation to both reserved and devolved matters."

Mae datganiad Llywodraeth Cymru yn egluro bod Gweinidogion Cymru wedi ysgrifennu at Lywodraeth y DU i'w hysbysu o farn Llywodraeth Cymru nad yw'n briodol i Weinidogion Llywodraeth y DU yn unig benderfynu ar faterion sy'n effeithio'n uniongyrchol ar feysydd lle y mae cymhwysedd wedi ei ddatganoli ac nid oes bwriad gan Weinidogion Cymru roi cydsyniad unochrog ar gyfer yr Offeryn Statudol hwn.

2. Heblaw am gyfeirio at amaethyddiaeth a'r Polisi Amaethyddol Cyffredin, sy'n faterion nas cedwir yn ôl o dan Ddeddf Llywodraeth Cymru 2006 ac sydd felly wedi'u datganoli, nid yw datganiad Llywodraeth Cymru yn nodi pa rai o bwerau deddfwriaethol penodol y Senedd neu bwerau gweithredol Gweinidogion Cymru sy'n cael eu heffeithio gan yr offeryn hwn. Mae'r cynghorwyr cyfreithiol yn argymhell y dylid gofyn am eglurhad ynghylch pa bwerau datganoledig yr effeithir arnynt.

Cytundeb Rhynglywodraethol ar Fil yr Undeb Ewropeaidd (Ymadael)

Gan ei bod yn aneglur o ddatganiad Llywodraeth Cymru, dyddiedig 21 Hydref 2020, beth fydd effaith bosibl y Rheoliadau ar gymhwysedd deddfwriaethol y Senedd a/neu gymhwysedd gweithredol Gweinidogion Cymru, nid yw'r Cynghorwyr Cyfreithiol wedi gallu asesu a oes unrhyw faterion arwyddocaol yn codi o dan baragraff 8 o'r Memorandwm ar Fil yr Undeb Ewropeaidd (Ymadael) a Sefydlu Fframweithiau Cyffredin mewn perthynas â'r Rheoliadau hyn.